



新選古今類腋卷之十八

人物類 三皇 五帝 三王 五霸

古今名臣

三皇

繫辭曰包羲氏沒神農氏作神農氏沒黃帝堯舜氏作。

帝王世紀曰孔子稱天子之德感天地洞八方是以
化合神者稱皇德合天地者稱帝仁義合者稱王。
管子曰明一者皇察道者帝通德者王謀得兵勝者



伯。

荀子曰。不利而利之。不如利而後利之之利也。不愛而用之。不如愛而後用之之功也。利而後利之。不如利而不利者之利也。愛而後用之。不如愛而不用者之功也。

文子曰。伏羲神農之世。其民顛蒙。瞑瞑瞶瞶。不知所以然而然。是以永年。黃帝堯舜之世。其民樸以有立。職職植植。而弗鄙弗天。是以難老。

淮南子曰。至德之世。甘音瞑於溷溷之域。而徙倚於

汗漫之宇。提挈天地。而委萬物。以鴻濛為景柱。而浮揚乎無畛音崖之際。是故聖人呼吸陰陽之氣。而群生莫不顛顛然仰其德。以和順。當此之時。莫之領理。決離。隱密。而自成。渾渾蒼蒼。純樸未散。旁薄為一。而萬物大優。○赫胥氏之時。民居不知所為。行不知所之。含哺而嬉。鼓腹而遊。

董子曰。三皇。三才也。五帝。五常也。三王。三明也。五霸。五嶽也。

春秋運斗樞曰。伏羲女媧神農。是為三皇也。皇者包

元履中。開陰布網。指天畫地。神化潛通。

春秋緯曰。天皇地皇人皇。兄弟九人。分九州長天下也。

潛夫論曰。太古之時。兆黎初載。未有上下而自順序。天未事焉。君未設焉。未後矯處。或相凌虐。為萌巨害。於是天命聖人。使司牧之。勿令失性。四海蒙利。草木被德。

禮舍文嘉曰。伏羲德洽上下。天應以鳥獸文章。地應以龜書。伏羲乃則象作易。

三皇本紀曰。開闢之初。君臣之始。天地初立。有天皇氏。澹泊無所施為。而俗自化。以木德王。地皇氏。以火德王。興於熊耳龍門。人皇氏。乘雲車。駕六羽。兄弟九人。分長九州。各立城邑。

史記曰。大皞庖犧氏有聖德。仰則觀象於天。俯則觀法於地。旁觀鳥獸之文。與地之宜。畫八卦以通神明之德。以類萬物之情。造書契以代結繩之政。始制嫁娶。以儼皮為禮。結網罟以教佃漁。養犧牲以充庖厨。○女媧氏有神聖之德。諸侯共工氏與祝融戰不勝。

而怒。乃頭觸不周山崩。天柱折。地維缺。女媧氏乃鍊五色石以補天。斷鼇足以立四極。聚蘆灰以止滔水。於是地平天成。不改舊物。○炎帝神農氏斲木為耜。揉木為耒。耒耜之用以教萬人。始教耕作蜡祭。以赭音鞭。鞭草木。嘗百草。始有醫學。教人日中為市。交易而退。各得其所。遂重八卦為六十四卦。

陸賈曰。神農以為行虫走獸。難以久養民。乃求可食物。嘗百草之實。察酸苦之味。教民食五穀。唐書曰。合天地之德。韞日月之明。眇然遠思。以登太

和。此伏羲氏所以為三皇之首也。

薛道衡曰。太始太素。荒茫造化之初。天皇地皇。杳冥書契之外。其道絕。其迹遠。言談所不指。耳目所不逮。白虎通曰。皇。君也。美也。大也。天之總美。大稱也。煌煌人莫能遠也。煩一夫。擾一士。以勞天下。不為皇也。故黃金棄於山。珠玉捐於淵。虛無寥廓。與天地通靈也。宋邵子曰。三皇之時如春。○三皇同意而異化。五帝同言而異教。三王同象而異勸。五霸同數而異率。同意而異化者。必以道。以道化民者。民亦以道歸之。故

尚自然。夫自然者無為無有之謂也。無為者非不為也。不固為者也。故能廣無有者非不有也。不固有者也。故能大廣大悉備而不固為固有者。其推三皇乎。○三皇之治不見形迹。莫得而名焉。故不言而民自化。其道則同。其所以為化則異。故曰同聖而異化。

五帝

繫辭曰。堯舜黃帝垂衣裳而天下治。蓋取諸乾坤。堯典曰。君稽古帝堯。曰放勳。欽明文思安安。允恭克讓。光被四表格於上下。克明俊德。以親九族。九族既

睦。平章百姓。百姓昭明。協和萬邦。黎民於變時雍。

舜典曰。粵若稽古帝舜。曰重華。協於帝。○慎徽五典。

五典克從。納於百揆。百揆時叙。賓於四門。四門穆穆。

納於大麓。烈風雷雨勿迷。帝曰。咨爾舜。詢事考言。乃

言。底可績。三載汝陟帝位。○益稷謨曰。帝光天之下。

至於海隅。蒼生萬邦黎獻。共惟帝臣。唯帝是主。

祭法曰。帝嚳能序星辰以著衆。堯能均賞刑以義終。

舜勤衆事而野死。鯀鄴鴻水而殛死。禹能脩鯀之功。

黃帝正名百物。以明民共財。顓頊能脩之契為司徒。

而民成。冥勤其官而水死。湯以寬治民而除其虐。文王以文治。武王以武功。去民之菑。此皆有功烈於民者也。

家語曰。黃帝名軒轅。生而神靈。弱而能言。幼而狗齊。長而敦敏。成而聰明。脩德振兵。治五氣。藝五種。撫萬民。度四方。獲寶鼎。迎日推策。順天地之紀。幽明之占。死生之說。存亡之難。時播百穀。草木淳化。鳥獸蟲蛾。旁羅日月星辰。水波土石金玉。勞動心力耳目。節用水火材物。○帝顓頊高陽。靜淵以有謀。䟽通知事。

養材以任地。載時以象天。依鬼神以制義。治氣以教化。潔誠以祭祀。巡四海以寧民。○帝嚳高辛。生而神靈。自言其名。普施利物。不於其身。聰以知遠。明以察微。順天之義。知民之急。仁而威。惠而信。修身而天下服。○其動也時。其服也士。古既字執中而偏天下。○

郊子朝魯。七人問曰。少昊氏以鳥名官。何也。對曰。吾祖也。我知之。昔黃帝以雲紀官。故為雲師。而雲名。炎帝以火。共工以水。太昊以龍。其義一也。我高祖少昊。藝之立也。鳳鳥適至。是以紀之於鳥。故為鳥師。而鳥

古今類聚 卷之...
名。自顓頊氏以來。不能紀遠。乃紀於近。為民師而命以民事。則能不同故也。孔子聞之。遂見郊子而學焉。管子曰。黃帝之治天下也。其民不引而來。不推而往。不使而成。不禁而止。故黃帝之治也。置法而不變。使民安其法者也。

荀子曰。人主者。守至約而詳。事至狹而切。垂衣裳。不下簞席之上。而海內之民。莫不願得以為帝王。○王者仁眇天下。義眇天下。威眇天下。○威眇天下。故天下莫敢敵也。以不敵之威。輔服人之道。故不戰而勝。

不攻而得。兵甲不勞而天下服。是知王道者也。知此三具者。欲王而王。欲伯而伯。欲疆而疆矣。

鬻子曰。昔者五帝之治天下也。其道昭々。若日月之明。然若以晝代夜。然故其道首首然。萬世為福。萬世為教者。唯從黃帝以上。舜禹以下而已矣。

呂覽曰。五帝先道而後德。故德莫勝焉。三王先德而後事。故事莫功焉。五伯先事而後兵。故兵莫強焉。舜有子九人。不予其子而授禹。至公也。○夫帝王之德。以天地為宗。以道德為主。以無為上。常無為也。則

用天下而有餘。有為也。則為天下用而不足。
尸子曰。舜一徙成邑。再徙成都。三徙成國。堯聞其賢。
徵之草茅之中。與之言禮樂而不違。與之語政。至簡
而可行。與之語道。廣大而不窮。於是妻之以嬪。媵之
娥。九子事之。而託天下焉。

淮南子曰。帝者体太乙。王者法陰陽。霸者則四時。君
者用六律。体太乙者。牢籠天地。彈壓山川。含吐陰陽。
申洩四時。紀綱八極。經緯六合。覆露昭導。普汜而無
私。翻飛蠕動。莫不仰德而生。法陰陽者。承天地之和。

形萬類之体。含氣化物。以成形類。則四時者。春生夏
長。秋收冬藏。取與有節。出入有時。開闔張歛。不失其
序。喜怒剛柔。不雜其理。用六律者。生之與殺也。賞之
與罰也。予之與奪也。非此無道。○五帝三王。輕天下。
細萬物。齊死生。同變化。抱大聖之心。以鏡萬物之情。
上與神明為友。下與造化為人。○五帝貴德。三王用
義。五伯任力。○昔者五帝三王之蒞。政施教。必用參
五。何謂參五。仰取象於天。俯取度於地。中取法於人。
此之謂三。制君臣之義。父子之親。夫婦之辨。長幼之

序朋友之信也。謂五。○黃帝治天下而力牧太山
稽輔之。使強不得掩弱。衆不得暴寡。人民保命而不
天歲時熟而不凶。百官正而無私。輔弼公而不阿。道
不拾遺。市不預賈。城郭不閉。邑無盜賊。人相讓以財。
狗彘吐菽粟於道路。而無忿爭之心。○今高臺層榭。
人之所麗也。而堯樸桷不斲。素題不斲。珍怪奇異。人
之所美也。而堯粝粢之飯。藜藿之羹。文繡白狐。人之
所好也。而堯布衣揜形。鹿裘御寒。養生之具不加厚。
而增之以任重之憂。故舉天下而傳之於舜。若解重

負。○列子曰。堯治天下五十年。不知天下有歎不
治歎。不知億兆之頽戴已歎。不頽戴已歎。頽問左右。
左右不知。問外朝。外朝不知。問在野。在野不知。堯乃
微服游於康衢。聞兒童謠曰。粒我蒸民。莫非爾極。不
識不知。順帝之則。

白虎通曰。帝王者號也。號者功表也。所以表功明德。
號令臣下。別優劣也。

禮斗威儀曰。帝者得其根莖。王者得其英華。伯者得
其附枝。故帝道不行。不能王。王道不行。不能伯。伯道

不行。不能守其身。

抱朴子曰。黃帝生而能言。後使百靈。可謂天授自然體之者。猶復不敢端坐而得道。故陟王屋而授丹經。到鼎湖而飛流珠。登崆峒而問廣成。上具茨而事大隗。遼東岱而奉中黃。入金谷而諮子心。論導養而質玄素。二女精推步。則訪山稽。力牧講占侯。則詢風后。著內經。則受雷岐。審攻戰。則納五音之策。窮神姦。則記白澤之辭。相地理。則書青烏之說。救傷殘。則綴金冶之術。故能畢記秘要。窮盡道真。遂勒升龍以高濟。

與天地于罔極。

韓子曰。歷山農者侵畔。舜往耕耨年。而耕者讓畔。河濱漁者爭壇。舜往漁耨年。而漁者讓長。東之夷陶者苦窳。舜往陶耨年。而器以牢。

帝正世紀曰。顓頊生十年而佐少昊。二十而登帝位。平九黎之亂。以水事紀官。南正重司天。以屬神。北正黎司地。以屬民。于是民神不糺。萬物有序。始都窮桑。徙商丘。命飛龍。効八風之。作樂五英。以祭上帝。○帝嚳年十五而佐顓頊。四十一位都亳。以人事紀官。

故以句芒為木正。祝融為火正。蓐收為金正。玄冥為水正。后土為土正。是五行之官。分職而治諸侯。於是化被天下。遂作樂六莖以康帝位。

本紀曰。虞舜作什器於壽丘。就時於負夏。堯以二女妻舜。二女不敢以貴驕事舜親戚。甚有婦道。堯乃賜舜絺衣與琴。舜舉八元八愷。流四凶。遷於四裔。以樂螭魅。乃興九招之樂。致異物。鳳凰來翔。

史記曰。帝堯放勳。其仁如天。其知如神。就之如日。望之如雲。富而不驕。貴而不舒。黃收冠也以其能純衣束髮故曰收

形。車乘白馬。能明馴德。敬順昊天。數法日月星辰。授民時。信飭百官。衆功皆興。授舜。則天下得其利。而丹朱病。授丹朱。則天下病。而丹朱得其利。堯曰。終不以天下病。而利一人。而授舜以天下。

鼂錯曰。五帝神聖。其臣莫能及。故自親事動靜。上配天。下配地。中得人。故衆生之類。亡不覆也。根著之徒。亡不載也。燭以光明。亡偏異也。德上及飛鳥。下至木。垂草木。諸產皆被其澤。然後陰陽調。四時節。日月光。風雨時。膏露降。五各熟。祿孽滅。賊氣息。民不疾疫。可

出圖。洛出書。神龍至。鳳鳥翔。德澤滿天下。靈光施四海。此所謂天地治國。入體之功也。

隋薛道衡曰。羲軒以降。爰暨唐虞。則乾象而施法度。觀人文而化天下。然後帝王之位可重。聖哲之道可尊。

宋邵子曰。五帝之時如夏。○三皇同仁而異化。五帝同禮而異教。三王同義而異勸。五霸同智而異率。同禮而異教者。必以德。以德教民。民亦以德。之故。尚讓夫讓也者。先人後己之謂也。以天下授人而不為

輕。若素無之也。受人之天下而不為重。若素有之也。若素無素有者。謂不己無己有之也。若己無己有。則舉一毛以取與於人。猶有貪鄙之心生焉。而况天下乎。能知其天下之天下。非己之天下者。其惟五帝乎。張子曰。以知人為難。故不輕去。未彰之罪。以安民為難。故不輕變。未厭之君。及舜而去之。堯君德。故得以厚吾終。舜臣德。故不敢不虔其始。

程子曰。五帝公天下。故與賢。三王家天下。故與子。論善之盡。則公而與賢。不易之道也。然賢人難得而爭。

奪興焉。故與子以定萬世。是亦至公之法也。
胡五峯曰。堯舜以天下與人。而無人德我之望。湯武
有人之天下。而無我取人之嫌。是故天下無大事。我
不能大。則以事為大。而處之也難矣。

元許魯齋曰。五帝之禪。三代之繼。皆數然也。其間如
堯舜有子之不肖。變也。堯舜能通之以揖遜。而不能
使已子之不朱均。湯武遇君之無道。變也。湯武能通
之以征伐。而不能使夏商之無桀紂。聖人遇變而通
之。亦惟達自然之數。一毫之已私無與也。

明劉基曰。民猶沙也。有天下者。唯能搏而聚之耳。堯
舜之民。猶以漆搏沙。無時而解。故堯崩。百姓如喪考
妣。三載四海遏密八音。非威驅而今肅之也。三代之
民。猶以膠搏沙。雖有時而融。不釋然離也。故以子孫
傳數百年。必有無道之君。而後衰。又繼而得賢焉。則
復興。必有大無道如桀與紂。而又有賢聖諸侯。如商
湯周武王者。間之。而後亡。其無道未如桀紂者。不亡。
無道如桀紂。而無賢聖諸侯。適丁其時。而間之者。亦
不亡。伯世之民。猶以水搏沙。其合也。若不可開。猶水

之冰然一旦消釋則渙然離矣其下者以力聚之猶以手搏沙拳則合放則散不求其聚之道而以責於民曰是頑而好叛嗚呼何其不思之甚也

揚慎瓘語曰舜欲旗

于古今

古今而不成足以成帝

矣禹欲帝而不成既足以正殊俗矣湯欲繼禹而不成既足以服四荒矣武王欲及成湯而不成既足以王矣五伯欲繼三王而不成既足以為諸侯長矣欲為五帝而不成者三王是也欲為三王而不成者五伯是也欲為五伯而不成者六國是也欲為六國而

不成者七六國是也故曰學乎其上僅得其中學乎其中斯為下矣

三王

書傳曰三王之統若循連環周則復始窮則反本

左傳曰禹會諸侯於塗山執王帛者萬國○劉子曰

美哉禹功明德遠矣微禹吾其魚乎

家語曰虞芮爭田而訟入文王之境則耕者讓畔行

者讓路入其朝士讓於大夫大夫讓於卿虞芮之君

曰吾儕小人也不可以入君子之朝自相與而退孔

子曰。以此觀之。文王之道。其不可加焉。不令而從。不
教而聽。至矣哉。○武王大敗殷人。上堂見玉。曰。誰之
玉也。曰。諸侯之玉。即取歸之。天下聞之。曰。武王廉於
財矣。見女。曰。誰之女也。曰。諸侯之女。即取歸之。天下
聞之。曰。武王廉於色矣。

書曰。文王在鎬。召太子發。曰。我身老矣。吾語汝。我
所保與我所守。傳之子孫。吾厚德而廣惠。不為驕侈。
不為泰靡。童牛不服。童馬不馳。土不失其宜。萬物不
失其性。天下不失時。以成萬材。萬材以成牧。以為人

之而勿德。是謂大仁。

荀子曰。脩禮者王。為政者彊。取民者安。聚斂者亡。故
王者富民。伯者富士。僅存之國富大夫。亡國富筐篚。
實府庫。筐篚已富。府庫已實。而百姓貧。夫是之謂上
溢而下漏。○故用國者義立而王。信立而伯。權謀立
而亡。○故道王者之法。與王者之人為之。則亦王。道
伯者之法。與伯者之人為之。則亦伯。道亡國之法。與
亡國之人為之。則亦亡。

鬻子曰。禹飯一饋而七起。曰。吾不恐四海之士留於

道路也。恐不留吾門也。是以四海之士皆至。禹當朝
廷。門可以羅雀。

淮南子曰。禹沐淫雨。櫛疾風。決江疏河。鑿龍門。闢伊
關。乘四載。隨山刊木。平治水土。定七百國。○禹南省
方濟於江。黃龍負舟。舟中失色。禹乃熙笑而稱曰。我
受命於天。竭力而勞萬民。生寄也。死歸也。何以滑和。
言不傷和。無所致乖。視龍猶蠅蚋。顏色不變。禹之視物亦細矣。
韓詩外傳曰。王者之論德也。而不尊無功。不官無德。
不誅無罪。朝無幸位。民無幸生。故上賢使能。而等級

不踰。折暴禁悍。而刑罰不過。百姓曉然。皆知夫為善
於家。取賞於朝也。為不善於幽。而蒙刑於顯。夫是之
謂王者之德。

說苑曰。政有三品。王者之政化之。伯者之政威之。彊
者之政脇之。夫此三者各有所施。而化之為貴矣。夫
化之不變。而後威之。威之不變。而後脇之。脇之不變。
而後刑之。夫至於刑者。則非王者之所得已也。○湯
欲伐桀。伊尹請且乏貢職。以觀夏動。桀怒。起九夷之
師。伊尹曰。未可。彼尚能起九夷之師。是罪在我也。湯

乃謝請服入貢職。明年又乏貢職，桀起九夷之師。九夷之師不起。伊尹曰：可矣。湯乃興師伐桀，遷之於南巢。○揚子曰：聖也者，盡倫者也；王也者，盡制者也。說林曰：火之燠也，終不如日之暴也；水之沃也，終不如雨之潤也；伯功之利人也，終不如王道之澤物也。是故飲食既足，則施予可無捐也；杠梁既成，則乘輿可無濟也；華夏既奠，則安攘可無施也；信義既行，則盟會可無脩也。

齊丘子曰：伯禹之容蕩蕩然，殷湯之容堂堂然，文王

之容巍巍然，武王之容諤諤然。

韓子曰：昔文王請入西地，赤壤之國方千里，以解炮

烙之刑，天下皆說。

悅音

帝王世紀曰：成湯出，見羅者，方祝曰：從天下者，從地出者，四方來者，皆入吾羅。湯曰：嘻，盡之矣，非桀其孰能為此哉？乃命解其三面，置其一，面更教之，祝曰：欲左者左，欲右者右，欲高者高，欲下者下，吾取其犯命者。漢南諸侯聞之，咸曰：湯之德至矣。澤及禽獸，况於人乎？一時歸者三十六國。○湯自伐桀後，大旱七年。

殷史卜曰。當以人禱。湯曰。吾所為請雨者民也。若必
以人禱。吾請自當。遂齊戒剪髮斷爪。以已為牲。禱於
桑林之社。言未已而大雨方數千里。○武王命召公
釋箕子之囚。命原公釋百姓之囚。命南宮适散鹿臺
之財。發鉅橋之粟。命宗祝享祀於軍。微子膠鬲皆委
質為臣。殷人咸喜曰。王之於人也。死猶封其墓。况其
生者乎。王之於賢仁也。亡者猶表其廬。况其存者乎。
王之於財也。聚者猶散之。况其復籍者乎。
史本紀堯用縣治水。功用不成。帝舉縣子禹而使續

之業。禹為人敏給克勤。其德不遠。其行可親。其言
可信。聲為律。身為度。稱以出。壘壘穆穆為綱。為紀。勞
身焦思。居外十三年。過家門不敢入。開九州。通九道。
陂九澤。度九山。行相地。宜所有。以貢。及山川之便利。
於是帝錫禹玄圭。以告成功於天下。天下於是太平
治。○周文王為西伯。遵后稷公劉之業。則古公王季
之法。篤仁。敬老。慈少。禮下賢者。日中不暇食。以待士。
士以此多歸之。伐崇侯虎。而作豐邑。其囚羑里。蓋益
易之八卦。為六十四卦。○武王脩文王緒業。太公望

為師觀兵孟津。渡河中。流白魚躍入王舟中。武王俯
取以祭。既渡。有火自上覆於下。至於王屋。流為鳥。其
色赤。其聲魄。乃東伐紂。紂師皆倒戈以戰。以開武王
紂走。登於鹿臺之上。蒙衣其珠玉。自燔於火而死。武
王至於周。自夜不寐。周公且曰。曷為不寐。王曰。維天
不享殷。自癸未生於今六十年。麋鹿在牧。蜚鴻滿野。
天不享殷。乃今有成。維天建殷。其登名民三百六十
夫。不顯亦不賓。滅以至今。而至今我未定天保。何敢寐。
鼂錯曰。古之三王。其為法令也。合於人情。而後行之。

其動衆使民也。本於人事。然後為之。情之所惡。不以
強人。情之所欲。不以禁民。是以天下樂其政。歸其德。
望之若父母。從之若流水。百姓和親。國家安寧。名位
不失。施及後世。

齊高祖詔曰。五德更紹。帝迭所以代昌。三正迭隆。王
度所以改耀。世有質文。時或因革。其資元膺曆。經道
振民。固以異術同揆。殊流共貫者矣。

史臣贊曰。唐虞之時。泰和之景象也。禹啓之世。亨通
之嘉會也。夏商之末。其肅終之秋乎。聖人之道。揖遜

古今類聚
於唐虞家傳於夏禹。放伐於商周。謂放伐非聖人之
道不可也。

宋邵子曰。三王之時如秋。○三皇同性而異化。五帝
同情而異教。三王同形而異勸。五霸同體而異率。同
形而異勸者。必以功。以功勸民者。民亦以功歸之。故
尚政。夫政也者。正也。以正。夫不正之謂也。天下之正
莫如利民。為天下之不正。莫如害民。為能利民者。正。
則謂之曰王矣。能害民者。不正。則謂之曰賊矣。以利
除害。安有去王耶。以王去城。安有弑君耶。○三王興

業唯恐不及。故曰同才而異勸。五霸則詭譎相
勝。無所不至。然猶假乎正也。故曰同術而異率。

五霸

檀弓曰。晉獻公之喪。秦穆公使人弔公子重耳。且曰。
寡人聞之。亡國恒於斯。得國恒於斯。雖吾子儼然在
憂服之中。喪亦不可久也。時亦不可失也。孺子其圖
之。以告舅犯。舅犯曰。孺子其辭焉。喪人無寶。仁親以
為寶。父死之謂何。又因以為利。而天下其孰能說之。
孺子其辭焉。公子重耳對客曰。君惠弔亡臣重耳身。

喪父死不得與於哭泣之哀。以為君憂父死之謂何。或敢有他志。以辱君義。稽顙而不拜。哭而起。起而不私。子顯以致命於穆公。穆公曰。仁夫。公子重耳。夫稽顙而不拜。則未為後也。故不成拜。哭而起。則愛父也。起而不私。則遠利也。

左傳曰。桓公伐楚。楚成王使與師言曰。君之涉吾地也。何故。管仲對曰。昔召康公命我先君太公曰。五侯九霸。若實征之。以夾輔周室。爾貢包茅不入。王祭不供。無以縮酒。寡人是徵。昭王南征不復。寡人是問。對

曰。寡之不入。寡君之罪也。敢不共給。昭王之不復。君其用諸。水濱師退。次於召陵。齊侯陳諸侯之師。與屈完乘而觀之。曰。以此衆戰。誰能禦之。以此攻城。何城不克。對曰。君若以德綏諸侯。誰敢不服。君若以力。楚國方城以為城。漢水以為池。雖衆無所用之。○桓公曰。吾欲從事於諸侯。其可乎。管子對曰。隣國未吾親也。君若欲從事於天下諸侯。則親隣國。桓公曰。若何。管子對曰。審吾疆場。而反其侵地。正其封疆。無受其資。而重為之皮幣。以驟聘。頌於諸侯。以安四隣。則四

隣之國親我矣。為游士八十人。奉之以車馬衣裘。多其資幣。使周游於四方。以號召天下之賢士。皮幣玩好。使人鬻之四方。以監其上下之所好。擇其淫亂者而先征之。桓公曰。吾欲南伐。何主。管子對曰。以魯為主。反其侵地堂嶧。邑二使海於有蔽。以海渠彌於有渚。依海管子對曰。以衛為主。反其侵地臺原。姑與漆里。邑四使海於有蔽。渠彌於有渚。環山於有牢。桓公曰。吾欲西伐。何主。管子對曰。以燕為主。反其侵地柴夫。吠狗。邑二使

沐於有蔽。渠彌於有渚。環山於有牢。四隣大親。既反侵地。正封疆。南至於陶陰。西至於濟。北至於河。東至於紀鄆。有革車八百乘。擇天下之甚淫亂者而先征之。○文公適齊。七侯妻之。甚善焉。有馬二十乘。將死於齊而已矣。曰。民生安樂。誰知其他。桓公卒。孝公即位。諸侯畔齊。子犯知齊之不可以動。而知文公之安齊。而有終焉之志也。欲行而患之。與從者謀於桑下。蚕妾在焉。莫知其在此也。妾告姜氏。姜氏殺之。而言於公子曰。從者將以子行。上聞之者。吾已除之矣。子必

從之。不可以貳。上無成。詩云上帝臨汝。無貳爾心。先王其知之矣。貳將可乎。子去晉難而及於此。自子之行。君無寧歲。民無成君。天未喪晉。無異公子。有晉國者。非子而誰。子其勉之。上帝臨子矣。貳必有咎。公子曰。吾不動矣。必死於此。姜曰。不然。周詩曰。莘莘征夫。每懷靡及。夙夜征行。不遑啓處。猶懼無及。况其順身。縱欲懷安。將何及矣。人不求及其能及乎。日月不處。人誰獲安。西方之書有之曰。懷與安。實疚大事。鄭詩云。仲可懷也。人之多言。亦可畏也。昔管敬仲有言。

小妾聞之曰。畏威如疾。民之上也。從懷如流。民之下也。見懷思威。民之中也。畏威如疾。乃能威民。威在民上。弗畏有刑。從懷如流。去畏遠矣。故謂之下。其在辟也。吾從中也。鄭詩之言。吾其從之。此大夫管仲之所以紀綱齊國。裨輔先君而成伯者也。子而棄之。不亦難乎。齊國之改敗矣。晉之無道久矣。從者之謀忠矣。時日及矣。公子幾矣。君國可以濟百姓而釋之者。非人也。敗不可處。時不可失。忠不可棄。懷不可從。公子唯子。子必有晉。若何懷安。弗聽。姜與子犯謀。醉而載。

之以行。○公子重耳及楚。楚子饗之。曰公子若及晉國則何以報不穀。對曰。子女玉帛則君有之。羽毛齒革則君地生焉。其波及晉國者。君之餘也。其何以報。君曰。雖然。何以報我。對曰。若以君之靈。得反晉國。晉楚消兵。遇於申原。其辟君三舍。若不獲命。其左執鞭弭。右屬橐鞬。弭。考未之。無緣者。右屬橐鞬。音沼。騫。鞬。似受。以與君周旋。子王請殺之。楚子曰。晉公子廣而儉。文而有禮。其從者肅而寬。忠而能力。晉侯無親。外內惡之。吾聞姬姓唐叔之後。其后衰者也。其將由晉公子乎。天將興之。誰

能廢之。遺天必有大咎。乃送諸秦。秦伯內之。○晉侯

始入而教其民。二年款用之。子犯曰。民未知義。未安

其居。於是乎出定襄王。示尊君之義入務利民。民懷生矣。

將用之。子犯曰。民未知信。未宣其用。於是乎伐原以

示之信。民易資者。不求豐焉。明徵其辭。公曰。可矣乎。

子犯曰。民未知禮。未生其共。於是乎大蒐以示之禮。

作執秩以正其官。民聽不惑。而後用之。出穀戍。釋宋

圍。一戰而霸。文之教也。○晉侯入曹。數之。且曰。獻狀

令無入僖負羈之宮。而免其族。報施也。初侯出亡。至曹曹君不禮

晉侯入曹。數之。且曰。獻狀。令無入僖負羈之宮。而免其族。報施也。初侯出亡。至曹曹君不禮

負羈勸之禮不從。楚子伐子玉，無從晉師。晉侯在外，乃私餽養與璧。

十九年矣。而果得國，艱難險阻，備嘗之矣。民之情偽，盡知之矣。天假之年而除其害，天之所置，其可廢乎。

子玉從晉師，子犯曰：「微楚之惠不及此，退三舍辟之，所以報也。」○晉侯夾攻子西，作王宮於踐土，獻楚俘。

於王，策命晉侯為侯伯，賜之大輅之服，戎輅之服。曰：王謂叔父，敬服王命，以綏四國。糾逖，遠也猶遠王慝。

晉侯三辭從命，受策以出。出入三覲，王子虎盟諸侯於王廷。君子謂是盟也信，謂晉於是役也，能以德攻。

晉侯將與楚戰，召咎犯而問曰：「楚眾我寡，柰何而可？」對曰：「臣聞繁禮之君，不足於文；繁戰之君，不足於詐。君亦詐之而已。」以告雍季。雍季曰：「竭澤而漁，豈不獲得，而明年無魚；焚藪而田，豈不獲得，而明年無獸。」

詐偽之道，雖今偷可，後將無復，非長術也。文公用咎犯之言，敗楚人，反而為賞。雍季在上，左右曰：「城濮之功，咎犯之謀也。君用其言而賞後其身，或者不可乎？」

文公曰：「雍季之言，百世之利也；咎犯之言，一時之務也。焉有以一時之務，先百世之利者乎？」孔子聞之曰：

也。焉有以一時之務，先百世之利者乎？孔子聞之曰：

也。焉有以一時之務，先百世之利者乎？孔子聞之曰：

臨難用詐。足以却敵。及不真賢。足以報德。文公雖不
終始。足以霸矣。○秦孟明帥師伐晉。以報殺之役。戰
於彭衙。敗績。秦伯猶用孟明。孟明增脩國政。重施於
民。趙成子曰。秦師又至。將必辟之。懼而增惡。不可當
也。詩曰。無念爾祖。聿脩厥德。孟明念之矣。念德不怠。
其可敵乎。秦伯伐晉。濟河焚舟。取王官於郊。封殺尸。
前敗死尸而還。遂霸西戎。用孟明也。君子是以知秦穆公
之為君也。舉人之周。周也。與人之壹也。孟明之臣也。
其不解也。能懼思也。○秦伯卒。以子車氏三子為殉。

皆秦之良也。國人哀之。為之賦黃鳥。君子曰。秦穆之
不為盟主也。宜哉。死而弃民。先王遺世猶詔之法。而
况奪之善人乎。難以在上矣。○晉饑。乞糴於秦。石豹
曰。晉君無禮於君。衆莫不知。往年有難。今又荐饑。已
失人。又失天。其殃也多矣。君其代之。勿予糴。公曰。寡
人其君是惡。其民何罪。天殃流行。國家代有。補乏養
音薦。進食。饑。道也。不可以廢道於天下。謂公孫枝曰。
予之乎。公孫枝曰。君有施於晉君。晉君無施於其衆。
今旱而聽於君。其天道。君若弗予。而天子之。謂有年也。

苟衆不說。其君之不報也。則有辭矣。不如予之以說其衆。衆說必咎其君。其君不聽。然後誅焉。雖能禦我。誰與。是故泛舟於河。歸糶於晉。○宋公圍曹。討不服也。子魚曰。文王聞崇德亂而伐之。軍三旬而不降。退脩教而復伐之。因壘而降。今君德無乃有所闕。而以伐人。若之何。盍姑內脩德乎。無闕而後動。○宋公及楚人戰於泓。宋人既成列。楚人未既濟。司馬曰。彼衆我寡。及其未既濟也。請擊之。公曰。不可。既濟而未成列。又以告。公曰。未可。既陳而後擊之。宋師敗績。公傷

股。門官殲焉。國人皆咎公。公曰。君子不重傷。不禽二毛。古之為軍也。不以阻隘也。寡人雖亡國之餘。不鼓不成列。子魚曰。君未知戰。勅敵之人。隘而不整。天贊我也。阻而鼓之。不亦可乎。若受重傷。則如勿傷。愛其二毛。則如服焉。三軍以利用也。金鼓以聲氣也。利而用之。阻隘可也。聲盛致志。鼓儵音殘儵巖未整齊也可也。○宋公使邾文公用鄫子於次睢之社。歆以屬東夷。司馬子魚曰。古者六畜不相為用。小事不用大牲。而况敢用人乎。祭祀以為人也。民和之主也。用人其誰饗之。

齊桓公存三亡國以屬諸侯。義士猶曰薄德。今一會而虐二國之君。又用諸淫昏之鬼。將以求霸。不亦難乎。得死為幸。○莊王圍鄭。三月克之。入自皇門。至於逵路。鄭伯肉袒牽羊以逆。曰。孤不天。不能事君。使君懷怒。以及敝邑。孤之罪也。敢不惟命。是聽。其俘諸江南。以實海濱。亦惟命。其剪以賜諸侯。使臣妾之。亦唯命。若惠顧前好。激福於厲。宣桓武。不泯其社稷。使改事君。夷於九縣。君之惠也。孤之願也。非所敢望也。敢布腹心。君實圖之。王曰。其君能下人。必能信用其民。

矣。退三十里而許之乎。○楚子圍宋。宋人懼。使華元夜入楚師。登子反之床。起之曰。寡君使元以病告曰。敝邑易子而食。析骸而爨。雖然。城下之盟。有以國斃不能從也。去我三十里。唯命是聽。子反懼。與之盟。而告王。退三十里。宋及楚平。華元為質。盟曰。我無爾詐。爾無我虞。

國語曰。莊王即位三年。不出號令。日夜為樂。令國中。有敢諫者。死。伍舉入諫。莊王左抱鄭姬。右抱越女。坐鍾鼓之間。伍舉曰。願有建隱。隱曰。有鳥在於阜。三年

不蜚不鳴。何鳥也。莊王曰。三年不蜚。蜚將冲天。三年不鳴。鳴將驚人。舉退矣。吾知之矣。居數月。淫益甚。大夫蘇從入諫。王曰。若不聞令乎。對曰。殺身以明君。臣之願也。於是乃罷淫樂。聽政。所誅者數百人。所進者數百人。任伍舉。蘇從以政。國人大悅。

呂覽曰。晉文公反國。賞從亡者。而陶孤不與。敢問其說。文公曰。輔我以義。導我以禮者。吾以為上賞。教我以善。疆我以賢者。吾以為次賞。拂我所欲。數舉吾過者。吾以為末賞。三者所以賞有功之臣也。若賞國之

陶孤。則陶孤將為首矣。周內史與闡之曰。晉國其伯乎。昔者聖王先德而後力。晉公其當之矣。

白虎通曰。五伯者何謂也。昔三王之道衰。而五伯存其政。率諸侯朝天子。正天下之分。興復中國。攘除夷狄。故謂之伯也。

史齊桓公曰。寡人南征。至召陵。盟熊山。北伐。山戎。離枝。孤竹。西伐。大夏。涉流沙。東馬懸車。登太行。至卑耳山。而還。諸侯莫違。寡人兵車之會三。乘車之會六。九合諸侯。一匡天下。昔三代受命。有何以異於此乎。晉

欲封泰山。禪梁父。管仲諫不聽。乃說桓公以遠方恠物至。乃得封桓乃止。

史斷曰。五伯迭興。始于桓公。卒于楚莊。蓋歷七王。九十五年于此矣。齊桓晉文。功在王室。秦穆定晉。已而伐晉。伐戎以成伯功。未乃收其賢臣以殉。其不得為盟主固宜。楚莊初滅庸。以自豐。至窺周鼎。已而伐國。殆無寧日。宋襄智不如桓。楚強不如秦。楚區區姑息為仁義。而不免於自辱也。宜哉。

鼂錯曰。五伯不及其臣。故屬之以國。任之以事。其行賞也。非以虛名妄取也。以勸天下之忠孝。而名其功也。其行罰也。非以忿怒妄誅。而後暴心也。以禁天下不忠不孝而害國者也。

晉王鎮惡曰。自三代以來。醇風稍薄。成功濟務。尊上權道。雖復負宸南面。比號軒轅。莫不自謝王風。率由伯力。功雖有餘。而德未足也。若非樹奇功於難立。震大威於四海。則不能成配天之業。一異同之心矣。宋子曰。五伯之時如冬。○三皇同聖而異化。五帝同賢而異教。三王同才而勸。五霸同術而異率。同

術而異率者必以力。以力率民者民亦以力歸之。故尚爭。夫爭也者爭夫利也。取以利不以義。然後謂之爭。小爭交以言。大爭交以兵。爭夫強弱者也。猶借夫名焉者。謂之曲直。名也者命物正事之稱也。利也者養人成務之具也。名不以仁。無以守業。利不以義。無以居功。利不以功。居名不以業守。則亂矣。民所以必爭之也。五霸者借虛名以爭實利者也。帝不足則王。王不足則霸。霸又不足則夷狄矣。若然則五霸不謂無功於中國。語其王則誅也。過夷狄則遠矣。周之東

遊即孔明之高臥隆中。抱膝長吟。此其志同也。之運籌帷幄。決勝千里。即孔明之七縱七擒。八陣一圖。此其才同也。但子房之所為者。孔明皆有不屑。而孔明之所為者。子房或有不能。觀其躡足附耳之態。孔明肯為之乎。釋楚不擊。養虎自遺患之言。孔明肯為之乎。孔明曰。親賢人。遠小人。子房所任用者。率多販繒屠狗。其優劣自見矣。

張南軒曰。符堅掃境入寇。方是時。晉室之勢殆矣。梁益既非晉之有。襄沔復為所破。而謝安方且從容應

敵不過以江北軍事付之謝玄。及劉牢之輩卒以成功。蓋其方略素定。非僥倖苟然也。安明於用人。不以親疎而廢。玄有謀慮。善使人。牢之勇銳出衆。而安於施置。各得其宜。蓋用兵之道。當以奇正相源。使玄將重兵於後。此止也。使牢之將精兵迎擊於前。此奇也。秦兵既近洛澗。牢之櫻其鋒。直搏而勝之。固也。奪其心矣。淝水之戰。其勝筭已在目中。故秦兵一遇風聲。鶴唳。以至山川草木。皆已一以懼之。惟牢之先奪其心。故也。安之方略素定。故也。不執其矯情鎮物。豈

君不忘其身。謀其身不遺其友。晉人謂文子知人文。子其中退然如不勝衣。其言呐呐然如不出諸其口。所舉於晉國。管庫之士七十有餘家。生不交利。死不屬其子焉。○公叔文子卒。其子戍請謚于君。曰。日月有時。將葬矣。請所以易其名者。君曰。昔者衛國凶饑。夫子為粥與國之餓者。是不亦惠乎。昔者衛國有難。夫子以其死衛寡人。不亦貞乎。夫子聽衛國之政。修其班制。以與四隣交。衛國之社稷不辱。不亦文乎。故謂夫子貞惠文子。

家語。子貢問。今之人。臣孰為賢。子曰。往者齊有鮑叔。鄭有子皮。則賢者矣。子貢曰。齊無管仲。鄭無子產乎。子曰。汝聞用力為賢。進賢為賢乎。子貢曰。進賢賢哉。子曰。然。吾聞鮑叔達管仲。子皮達子產。未聞二子之達賢已之才者也。

呂覽管子復於桓公曰。懇田大邑。辟土藝粟。盡地力之利。臣不如甯邀。請置以為大田。登降辭讓。進退閑習。臣不如隰朋。請置以為大行。蚤入晏出。犯君顏色。進諫必忠。不辟死亡。不重貴富。臣不如東郭牙。請置

以為大諫。臣。平原廣城。車不結執。士不旋踵。鼓三軍之士。視死如歸。臣不若王子城父。請置以為大司馬。決獄折中。不殺不辜。不誣無罪。臣不若弦章。請置以為大理。君若欲治國強兵。則五子者足矣。君欲霸王。則夷吾在此。

說苑曰。舜耕歷山而逃於河畔。立為天子。則其遇堯也。傳說負壤土。釋版築而立佐天子。則其遇武丁也。伊尹有莘氏媵臣也。負鼎俎。調五味而佐天子。則其遇成湯也。呂望行年五十。賣食於棘津。行年七十。屠

牛朝歌。行年九十。為天子師。則其遇文王也。管夷吾東縛膠目。居檻車中。自車中起為仲父。則其遇齊桓公也。百里奚自賣。取五羊皮。伯氏牧牛。以為卿大夫。則其遇秦穆公也。沈尹名聞天下。以為令尹。而讓孫叔敖。則其遇莊王也。○桓公用管仲。鮑叔隰。朋賓胥無窳戚。三存亡國。一繼絕世。救中國。攘夷狄。卒脅荆蠻。以尊周室。霸諸侯。晉文公用咎犯。先軫。陽處父。強中國。敗強楚。合諸侯。朝天子。以顯周室。楚莊王用孫叔敖。司馬子反。將軍子重。征陳。從政。敗強晉。無敵於

天下。秦穆公用百里奚。子蹇。叔子。王子廖。及由餘。據有雍。攘敗西戎。吳用延州來季子。延州來季子所食邑并冀州。揚威於鷄父。至簡公用子產。裨諶。世叔。行人子羽。賊臣除。正臣進。去強楚。合中國。家安寧。二十餘年。無強楚之患。

文中子曰。美哉公旦之為周也。外不屑天子之謗。而眾其迹。曰。必使我子孫相乘。而宗祀不絕也。內實達天下之道。而公其心。曰。必使我君臣相安。而禍亂不作也。深乎深乎。安家所以寧天下也。存我者所以厚

蒼生也

漢名臣贊曰。公孫弘。卜式兒寬。皆以鴻漸之翼。困於燕雀。遠迹羊豕之間。非遇其時。烏能致此位乎。是時漢興六十餘載。海內又安。府庫充實。而四夷未賓。制度多闕。上方欲用文臣。求之如弗及。始以蒲輪迎枚生。見主父而歎息。群士慕嚮。異人並出。卜式拔於芻牧。弘羊擢於賈豎。衛青奮於奴僕。日磾出於降虜。斯亦曩時版築飯牛之朋已。漢之得人。於茲為盛。儒雅則公孫弘。董仲舒。兒寬。篤行則石建。石慶。質直則汲

卜式推賢。則韓安國。鄭當時。定令則趙禹。張湯。文幸則司馬遷。相如。滑稽。則東方朔。枚臯。應對則嚴助。朱買臣。曆數則唐都。洛下閎。協律則李延年。運籌則桑弘羊。奉使則張騫。蘇武。將率則衛青。霍去病。受遺則霍光。金日磾。其餘不可勝紀。是以興造功業。制度遺文。後世莫及。孝宣承統。纂修洪業。亦講論六藝。招選茂異。而蕭望之。梁丘賀。夏侯勝。韋玄成。嚴彭祖。尹更始。以儒術進。劉向。王褒。以文章顯。將相則張安世。趙充國。魏相。丙吉。于定國。杜延年。治民則黃霸。王成。

冀逐鄭弘。召信臣。韓延壽。尹翁歸。趙廣漢。嚴延年。張敞之屬。皆有功迹。見述於世。參諸名臣。亦其次也。後魏崔浩曰。王猛之經國。符堅之管仲也。慕容恪之輔少。慕容暉之霍光也。劉裕之平禍亂。司馬德宗之曹操也。

唐太宗詔曰。黃帝得力牧為五帝先。夏禹得咎繇為三王祖。齊桓得管仲為五伯長。

房彥謙曰。鄭有子產。齊有晏嬰。楚有叔敖。晉有士會。宋蘓軾曰。不求一時之功。而愛君以全其宗社。此上

臣也。范文子當鄢陵之役。不歆使。晉不聽。而敗之。始若無智。而后卻氏之禍。幾不免。卒以身當之。其過人也遠矣。

真西山曰。子產當內有諸侯大夫之爭。外有晉楚兵之至。且所事也。皆九廟之主。而馳詞執禮。確不可犯。以勢。卒能以弱反強。蓋聖門中之能臣也。春秋諸大夫。未有能及之者。

范祖禹曰。貞觀之治。吁乎盛矣。登瀛洲者十八人。如玄齡如晦。皆君子也。圖凌烟者二十人。如李靖魏徵

皆忠直也。使世化為太平。刑措不用。豈幸有哉。

羅豫章曰。西漢人才。可與造道。東漢人才。可與立。三國人才。可與權。杜欽。谷永。可與造道。而不可與立。故附王氏。陳蕃。竇武。可與立。而不可與權。故困於宦官。至於諸葛孔明。然後可與權。夫人才至。可與權。而不可以有加。張良。近太山之材。畧諸侯。近伊尹之出處。然良佐高祖。論其時則宜。語其德則合。亮處三國。則材大任小。惜哉。○子房之報韓。而佐漢。孔明之佐漢。而討賊。此其事同也。子房之功成身退。而徙赤松子。

許文武之功德。於是乎盡矣。猶能維持二十四君。王室不絕如綫。夷狄不敢屠害中原者。猶五霸備名之力也。

明劉基曰。五伯之時。天下之亂極矣。稱諸侯之德。無以加焉。雖假而愈於不能。故聖人有取也。故曰誠勝假。假勝無。○甚矣仁義之莫彊於天下也。五伯假之。而猶足以維天下。而獲天下之顯名。而况於出之以忠。行之以信者哉。

古今名臣

古今類賦
明夷又曰箕子之明夷。利貞。象曰。箕子之貞。明不可
息也。

君奭公曰。今在予小子且。若遊大川。予往。暨汝奭其濟。
○惟文王尚克修和。我有夏。亦維有若號叔。有若閑
天。有若散宜生。有若南宮括。

檀弓曰。趙文子與叔譽觀乎九原。文子曰。死者如可
作也。吾誰與歸。叔譽曰。其陽處父乎。文子曰。行并植
於晉國。不沒其身。其知不足稱也。其勇犯乎。文子曰。
見利不顧其君。其仁不足稱也。我則隨武子乎。利其

國為是哉。夫有所恃固耳。至於卻上流之兵。又其一
奇也。得上流之兵。不足以助益。而適足以銷薄。聲勢
搖動人心。一卻其兵。而戰士之心益固。國內之情舉
安。安見之明且審矣。嗟乎。國之所恃者人才耳。以晉
室之勢。獨任一謝安。足以當符秦百萬之師。以予觀
之。非特安方略之妙。抑其所存忠義純固。負荷國事。
直欲與晉室同存亡。故能運用英豪。克成勲業。誠與
才合故也。若安者。其在東晉人物中傑出者哉。
司馬公曰。天授之謂才。人從而成之之謂義。發而著

之事業之謂功。精敏辨博，拳捷趨勇，非才也。驅市井數千之衆，推胡虜百萬之師，戰則不可勝，守則不可拔，斯可謂之才矣。死黨友，存孤兒，非義也。明君臣之大分，職天下之大義，守死而不變，斯可謂之義矣。攻城拔邑之衆，斬首捕獲之多，非功也。控扼天下之咽喉，蔽全天下之大半，使其國家定於已傾，存於既亡，斯可謂之功矣。嗚呼！以巡之才如是，義如是，功如是，而猶不免於流俗之毀，況其賤也者耶。

程子曰：熙寧中，洛陽以清德為朝廷尊禮者。大臣曰：韓富公，侍從曰司馬溫公，呂申公，位卿監，以清德早退者十餘人，好學樂善有行義者幾二十人。邵先生隱居謝聘，人皆相從，志厚之風聞於天下。里中後生皆知畏廉耻，欲行一事必曰：無為不善。恐司馬端明邵先生知。

吳臨川曰：張文成侯，諸葛忠武侯，狄文惠公，范文正公，四人之功業不盡同，而其為百代殊絕之人物則一。文成身事漢而心在報韓仇，文惠身事周而心在復唐祚，常人莫能測知，卒克遂其志，故邵子稱其忠。

且智為忠武扶漢於末造。文正佐宋於盛際。器局公
平廣大。設施精審詳密。心事如青天白日。遺時雖異。
易地則皆然。故朱子稱其磊磊落落。無纖芥之可疑
也。

王磐曰。讀嘉祐之四臣。至富歐等輩。讀中興之四將。
至岳劉諸人。入則相。出則將。古今以來名臣。未之少
及也。至于宋度。而文丞相之氣節。凜猶生氣。其所培
養。豈朝夕哉。

高皇曰。歷代名臣。其流芳至今而不泯者。由其竭忠
以事君。務公以福民。生不苟且。以營利。死不屈節。以
養名。

晉寧叔起王一鵬

穀城穉脩王文倪

金谿謝廷諒

南豐陳五雲

魯大綱

鄒應龍考訛

圖書



